

Ninsaal yel-segdı noy gānegr sebre (yoomd 1948)

Keoogre

B wilgame tı ninsaal bood fāa tara a burkındlim la a yel-segdı tōod sēn pa yıd a to, tı b pa tōen n dık tōod-bāmb n koos bı n tek a badawā, n yaa dūni wā bāan gāaga, ned fāa sēn so a vıum tı yembd kaala, la wēg-taab kaalem dūni wā pogē yēgrā.

B wilgame tı ninsaal sēn da tog ne yel-segdı ninsā kaalmā waa ne bi-beelem la pāng buud toor-toor sēn sām dūni wā zāng sūuri, la b yākamen moon tı dūni ning sēn na n wa zınd-a tı ninsaalbā na n wa so b mense, n tōe n gom b sēn date, n tē b sēn date, n wa yi rabeem, yaeesg la far buudā fāa pogē wā, n yaa ninsaal sēn baood ne a sūr fāa n yıdā.

Tı sēn yıd fāa yaa tı ninsaal yel-segdı wā tog n paamame tı b koglg-b ne noy buud sēn na yıl tı ned ra wa bao a sēn na maan n pōs pān-wōrdem b sēn maand-a n kong n wēneg n kē wēnem maan n lebs pogē wā.

D sēn mi tı segdame tı d keng tēms ne taab zood yōkr zındgrā.

D sēn mi tı nasōzini (tēmsā fāa lagem-n-taar kāsengā) le mooname n wilg b tēeb ninsaal burkındlem la a tırlem pānga, pag la rao yel-segdı sēn zem taabā, tı b le wilgame tı b ratame n mao n paas ninsaalbā vıum sōmblem tı yı ned fāa sēn so a meng vıumē wā tı yel käng pāng yıug a pındā.

D sēn mi tı tēms nins sēn be nasōzini lagem-n-taarā pogē lagma ne lagem-n-taarā n nk sard n na n sōng tı dūni wā pogē bı ned fāa tū ninsaalb yelsegdı wā sēn gāneg noy ninsā.

D sēn mi tı ninsaal yel-segdı noy bāmba gānegr sā n yı lagem-n-taarā ne a kēedbā n na n naag taab n maan-b n na n sōng tı b tūubā yı sōma wā.

Pipi koεεga.

Ninsaalbā fāa sā n doge, ned fāa so a menga, ned pa rogd n yaa yamb ye, nebā fāa zema taab b yel-segdı la b burkındlem wεεngē. Nebā fāa tara yam la tagsgo, ned fāa togame n vıund ne a to saam-bıır pogē.

Koεεg a 2 soaba.

Ned fāa tara sor n tōe n dı seb-kānga sēn gāneg noy ninsā yōodo tı bakr buud ka zınd ye, pa tūus f sēn yaa buud ning ye, f yīng kōbg sēn ya-a soab ye, f yaa pag bı rao ye, f wēnd-sor sēn ya-a soab ye, f sēn yāk n tik politik ninga, bı tēeb buud a to ye, f tarem sēn ya-a soab ye, f sēn dog ne b rāmb ye, bı būmd buud a taab sēn bakd ye.

Sēn paasde, pa tōe n tik ned tēng politik neng sēn ya-a soab n bak a soab noy-bāmbā yōod rıub wεεngē ye, pa tūus tēngā sā n so a menga bı a sā n be zamaan a to yembdē.

Koεεg a 3 soaba.

Ned buud fāa tara sor n tōe n vıunde, n soog a menga la a gūnug a menga.

Koεεg a 4 soaba.

Pa tog n dık ninsaal buudā fāa n maan yamb ye bı n weoog-a ye. Yembdā ne nebā koosgā gıdgame, ba sēn wa n ya yembd buud nin fāa.

Koεεg a 5 soaba.

Pa tog n sıbg ninsaal buudā fāa ye, pa tog n sıbg ninsaal tı sıbgrā yı toog wosgo, tı pa sēn na maan ninsaal ye.

Koεεg a 6 soaba.

Ned fāa tara sor tı sēn wa n ya sīg ning fāa, bı b sak n deeg a sēn yaa ned ning buud bı-kaoor soog taoore.

Koεεg a 7 soaba.

Ninsaalbā fāa zema taab lalao taoore, b fāa tog n paama lalao wā koglgıo tı bakr ba a ye pa zınd ye. Nebā fāa tara sor n tōe n paam tı b koglg-b ne bakr buud fāa sēn na n wa maan n kıus seb-kānga noy wā sēn gānegā, ne būmb nins sēn na n wa ne bakr-bāmba.

Koεεg a 8 soaba.

Ned buud fāa tara sor n tōe n kēng a tēngē buod soog taoore n tı bı ne weoogre, sıbgr buud fāa b sēn maan-a, tı ninsaalb yel-segdı sebrā gıdge, tı lalao mi tiiri.

Koεεg a 9 soaba.

Pa tar sor n tōe n yōk ned zaalem, n pag-a roogo bı n yiis-a a tēngē n tı ning zīg a to tı lalao zı tiir ye.

Koεεg 10 soaba.

Ned buud fāa tara sor wa lalao sēn wilgā, t'a yell ta bı-kaoodb sēn so buodā, n tōe n kao tı pān-dāmb ka lob b toogo, la sēn buod sıd taoore, tı b bı nin-buiid taoore n wilg a yel-segdı bı a tılae-yela, bı n wilg b sēn yet tı yēnda soabā maana būmb ningā kongr sēn taē.

Koεεg 11 soaba.

B sā n yeel tı ned maana bomb sēn kis n dat n paalg-a, sā n pa b wa n bı-a lame tı buodā yı neb fāa taoore, t'a paam sōangd sēn mams n paas a poorē fāa, ket n ya wa yēnda soabā pa maan būmbā ye.

B pa tōe n bı ned n paalg-a būmb a sēn maan bı a sēn pa maan yīnga, sā n mikame tı yellā sēn maanā wakato, buod soog nengē yel bāmba ra pa kis ye. Sēn paasd me, b sā n bı yellā, b pa tar sor n tōe n kō ned ning sēn maan-a yellā sıbgre tı yıug yellā sēn maanā sasa lalao sēn da gāneg sıbgr buud nins yel-bāmb wεεngē wā ye.

Koεεg 12 soaba.

[Missing]

Koεεg 13 soaba.

Ned buud fāa tara sor n tōe n gō a tēngē, n kēng zīs nins fāa a sēn date, la a yāk a sēn dat n zındē.

Ned buud fāa tara sor n tōe n yı tēngē n lebg n wa a meng tēngē, a le tara sor n tōe n yı a meng tēngē n kēng tēn-taaga la a le lebg n wa a tēngē.

Koεεg 14 soaba.

Ned sā n wa be toog zug tēngē tı b namsd-a wosgo, a soab tara sor n tōe n yı n bao gāag-sobend tēms a taabē, a le tara sor n tōe n paam tı b reeg-a tēn-bāmbē.

La sā n mikame t'a sēn maanā, lalao gıdgame tı b mik tı yaa sıda, bı sā n mikame t'a sēn maanā pa zems ne nasōzini (tēmsā lagem-n-taar kāsengā) sēn gāneg noy ninsā, a pa tar sor-käng ye.

Koεεg 15 soaba.

Ned buud fāa tara sor n tōe n paam tēng-n-biilim tika.

B pa tar sor n tōe n wōr ned n menes a tēng-n-biilim ye, b le pa tōe n gıdg-a t'a ra teem a tēng-n-biilim ye.

Koεεg 16 soaba.

Pag ne rao yoomd sā n ta kāadem b tara sor n tōe n kē kāadem la b tilg yir tı pa tūus b yıibā buud sēn ya-b rāmba, b tēng-n-biilim bı b wēnd sor tūudum. Kāadmā

kēesg noy pugē, b yiibā yel-segdı yaa a ye, pa yıd to ye, kâadmā vıum wakato la a kaoob wakat me b yel-segdı wā ya a ye.

Kâadem pa tõe n kēes tı pa tũ ne kâad-ratbā sakr sên pa tũ ne modgr ye.

Zak yaa têng yēgre (têng bôn-bulli). A yaa têng vıum süuri. Têngā neb togame n koglg-a, goosneerā (leta wā) togame n koglg-a.

Koεεg 17 soaba.

Ned buud fāa, f ya f ye bı f bee sull pœga, tara sor n so a būmbu.

B pa tõe n wōr ned n deeg a sên so ye.

Koεεg 18 soaba.

Ned fāa tara sor n tõe n tags a sên date, n bugs a sên date la a tũ wënd-sor ninga a sên date. Sor-kāng a sên tarā wœngē a tõeeme n teem wënd-sor n tũ bı n teem tēebo a le tõeeme n wilg a wënd-sor bı a tēebo ne kaorengo, maana maanego tı yı yēnda a ye bı n naag ne a taaba tı yı neb soka bı bāmb bal ne taaba.

Koεεg 19 soaba.

Ned buud fāa tara sor n tõe n tē a sên date la a gom a sên date, rēnda n kıt tı ned pa tog n zoe rabeem ne a tēeb wilgri, la a tar sor n tõe n bao n bāng kibay la a paam kibay n tall-b n piuug zıīg fāa n pa ges tēmsā tods ye, tı yı ne rabay buud fāa a sên date.

Koεεg 20 soaba.

Ned buud fāa tara sor n tõe n paam n maan tigsga la lagem-n-taar sull sên pa tar yela (sên pa na n wa ne gudgri).

B pa tõe n modg ned ab a ye t'a kē lagem-n-taar pugē ye.

Koεεg 21 soaba.

Ned buud fāa tara sor n tõe n ning a toog a têng vıum toomē, a tõeeme n maan toumd a toore bı tũ ne neb b sên yāk tı b let lagem-n-taara sull n tomdē, tı nin-bāmb yākrā yaa sên maan tı pa tũ ne modgr ye.

Nin-buiidā sên dat būmb ninga la têngā zāab toom tikda.

Nin-buiidā raabā wilgr tog n tũu ne vot sên na n maan tı zāmb ka zınd ye, votā me tara wakat sōor n tog n le maane, votā tõeeme n maan tı yı nin-buiid vote, bı gols n vot buud a to sên wënd wa bāmba sên maand tı ned fāa tõe n yāk a sên dat-a soaba.

Koεεg 22 soaba.

Ne buud fāa, a sên yaa nin-buiidā ned a ye wā yīnga, a toga ne ninsaalb yel gesg soogā sōngre. Sōngrā yaa arzeka, vıum sōmblem la rog-n-mik wœngē sên yaa tılae ne ninsaal burkind la a tırlēm baoobo, a mengā yidgr yīnga, sên na n tũ ne tênga meng toumde n paas tēms ne taab lagem-n-tom pāng tı zems ne têng fāa toom yōgeng sên ya to-to la a laog sên zem teka.

Koεεg 23 soaba.

Ned buud fāa tara sor n tõe n paam toumde, n tõe n yāk a sên dat toumd ninga tı tũ ne toumdā kūun sên na n maan tı wēgb pa zınd ye, la b koglg-a ne toomā kaalem.

Nebā fāa tog n paama yaood sên zems ne b sên maan toumd ningā tı wēgb ka ye.

Ned ning fāa sên tomd-a toga ne yaood sên zems a sên maane, ti sên paamdā sek yēnda ne a zak rāmb vıum tı yı burkind pugē, tı sā n mik tı segdame; bı a paam tı b paas-a sōngr buud a taaba.

Ned buud fāa tara soor n tõe n naag neb a taaba n lulg sēndika sulli (tontomdb sōngr sulli) sên na kogend tontomdbā nafo.

Koεεg 24 soaba.

Ned buud fāa tara sor n tõe n paam vousem la yō-noogre, būmb zāng la toomā wakat sōor tek wilgri n paas vousem. Vuusmā geendame n tar wakat-wakato, vuusmā sasa b tog n yaoa a soaba.

Koεεg 25 soaba.

Ned buud fāa tara sor n tõe n paam tarem sên na n sek a meng la a zak rāmb laafi la b vıum sōmblem baoobo, būmb zāng la rıubā wœngē, yeelgrā (futā), zı-gāadgā, tıbsgā n paas vıumā sōmblem baoob toom nins sên segd-b ne yē wā. A sā n wa pa tar toumde, a sā n wa bēedē, a sā n wa lebg kamsa, a sā n wa lebg pug-kōore bı ra-kōore, a sā n wa kōule bı būmb buud a taab sā n wa kıt t'a pa le tõe n dulg la a ges a meng yelle, tı yaool n pa tũ ne yēnda a maan tı yellā paam-a, a togame n paam sōngre.

Biig pug sasa la a yāadem wakato, a tara sor n tõe n paam sōngre la koglgo. Kamba fāa, f roga kâadem pugē tı b rogame tı b ba rāmbā pa kē kâadem ne taaba, b fāa segda ne sōngre.

Koεεg 26 soaba.

Ned buud fāa tara sor n tõe n paam kaorengo. Kaorengā tog n yı zaalem, ba tı na yı yāadmē kaorengā (kaoren-sıngā). Yaa tılae tı kambā paam kaoren-sıngā. Toom-minim la nus toom zāmsg kaorengā togame n piuugi. Karen-do bedā kaorengā tog n maaname tı neb nins fāa bāngr sên sek be taabā paam n kē tı zāmb pa zınd ye.

Kaorengā sên tog n gēeg būmb nins yaa ninsaal mengā yidgri la ninsaal yel-segdı noy sebrā tıub pāng paasgo. Kaorengā togame n sōng tı tēmsā ne taab wom taab moore, buudā toor-toorā bı wënd-sor tıudum toay-toayā wom taab moore, tı sull fāa sak a to sên yala la b yōg taab zoodo. A togame yasa n sōng tı nasōzini (tēmsā ne taab lagem-n-tay kāsengā) tooma kēng taoore, sên na yil tı bāana gāand dūni wā pugē.

Ba rāmbā n yaa pipi n tar sor n tõe n yāk wubr ning buud (kareng ning buud) bāmb sên dat tı b kambā paame.

Koεεg 27 soaba.

Ned buud fāa tara sor n tõe n ning a meng nin-buiidā rog-n-mik sull toomē (vıumē), n rı toom-minmā bāngr yōodo la a naag n tom bāngrā baoob toomē wā la a paam n dı toom bāmba sên wat ne yōod ninsı.

Ned fāa tara sor n tõe tı b koglg a bāngr yōodo la a bāngr teedo, tı yaa sebr la a gols yā, bı yaa te-naands la a maan yā.

Koεεg 28 soaba.

Ned buud fāa tara sor n tõe n dat tı bāan zınd nebā ne taab sok tēnsē wā, la tēnsā ne taab soka, tı seb kānga sên wilg yel-segdı ninsā tōog n paam n yı sıda

Koεεg 29 soaba.

Ninsaal tara tılae-toom ne a neba (a nin-buiidu), bala a mengā yidgr pa tõe n maan tı pa yı na a nebā pugē vıum ye.

Ned yel-segdı tıub pugē, la a sên tar sor n tõe n maan a sên datā wœngā, ned fāa toaag sên tekē yaa laloa sên wilg būmb ninsa, sên na yıl n sōng tı ned fāa bāng a to yel-segdı la a sên tar sor n tõe n maan a yam. Sên paasd me, yaa sên na yıl tı b tōog n tũ ninsaal vıum sōmblem noy wā, ninbuiidā vıum noy wā tıubu la nebā fāa vıum sōmblem baoobo, sā n yaa têng zāab buud ning sên ya nin-buiid naam n zāad-a wā.

Yel-segdı bāmbā la maan-m-yam bāmbā pa tõe n dık n maan tı pa yı wa nasōzini sên gāneg noy ninsā sên datā ye.

Koεεg 30 soaba.

Seb-kāngā gomd ba a ye pa tõe n wa rık t'a yı wa têng a ye, goosneer a ye bı ned a ye yell ye, t'a soab tik rēnda n dat n maan būmb sên na yıl n sāam yel-segdı la

maan-m-yam nins sebrā sēn gomd-b rāmb yellā ye.